

მამა გიორგი ფირცხელანი - გაჩნდება პლატფორმა, სადაც ახალგაზრდები მოახერხებენ საკუთარი შესაძლებლობების რეალიზებას



კონკრეტული პროგრამა დაიწერა იმისთვის, რომ ახალგაზრდებს შეეძლოთ თავისი თავის რეალიზება და გაჩნდება პლატფორმა, სადაც ახალგაზრდები მოახერხებენ საკუთარი შესაძლებლობების რეალიზებას, - ამის შესახებ მთაწმინდის ღირსი მამა დავით გარეჯელის მონასტრის მღვდელმსახურმა, მამა გიორგი ფირცხელანმა სამების ახალგაზრდულ ცენტრში, ახალგაზრდების თვითრეალიზაციის პრობლემაზე საუბრისას განაცხადა.

მისივე თქმით, ეკლესია ხელს შეუწყობს ახალგაზრდების დასაქმებასაც, თუმცა ძირითადი პრობლემა მათი შინაგანი მდგომარეობაა და იმ ენერჯის დეფიციტი, რასაც თვითრეალიზებული ადამიანები უნდა გრძნობდნენ.

„საქართველოს მართლმადიდებლურ ეკლესიას დიდი გამოცდილება და ამავე დროს, რესურსი გააჩნია, რომ დაეხმაროს ახალგაზრდებს რეალიზებაში. დღეს გაჟღერდება კონკრეტული ინიციატივები ამ მიმართულებით. დაიწერა პროგრამა, რომლის

მიხედვითაც ჩვენ შევეცდებით გავარღვიოთ ის მანკიერი წრე, რომელშიც დღეს საზოგადოება იმყოფება. ეკლესიისგან კონკრეტული ინიციატივები გაჟღერდება, როგორც აღვნიშნე, კონკრეტული პროგრამა დაინერა იმისთვის, რომ ახალგაზრდებს შეეძლოთ თავისი თავის რეალიზება და გაჩნდება პლატფორმა, სადაც ახალგაზრდები მოახერხებენ საკუთარი შესაძლებლობების რეალიზებას. ეკლესია ხელს შეუწყობს მათ დასაქმებასაც, მაგრამ ძირითადად ეს პრობლემა არ უკავშირდება მხოლოდ დასაქმებას. თვითრეალიზების დროს, შეიძლება ადამიანი დასაქმებული იყო, მაგრამ მას არ ჰქონდეს ბედნიერების და სიხარულის განცდა. ძირითადი პრობლემაა ის შინაგანი ენერჯია, რომლის დეფიციტსაც დღეს ახალგაზრდობა განიცდის”, – განაცხადა მამა გიორგიმ.

როგორც მამა გიორგიმ აღნიშნა, მართლმადიდებელი მღვდელმსახურები და მრევლი მონოდებულია, მონაწილეობა მიიღონ სახელმწიფოსა და ეკონომიკის სამართლიან მონაწილეობაში. ამასთან, ჩაერთონ საზოგადოების ყოველი ყოველი წევრის პროფესიონალური და ყოფითი რეალიზაციის უზრუნველყოფაში.

მისივე თქმით, მართლმადიდებლურმა ეკლესიამ აქტიური მონაწილეობა უნდა მიიღოს “კრიმინალური დამნაშავეობის განმაპირობებელი მიზეზების აღმოჩენასა და აღმოფხვრაში”.

“ეკლესიას სურს და ყველა ძალით იბრძოდეს ახალგაზრდების ბედნიერებისა და რეალიზებისთვის”, – აღნიშნა მამა გიორგიმ.